



ԵՎՐԱՍԻԱԿԱՆ ՏՆՏԵՍԱԿԱՆ ՀԱՆՁՆԱԺՈՂՈՎ

ԽՈՐՀՈՒՐԴ

ԿԱՐԳԱԴՐՈՒԹՅՈՒՆ

30 նոյեմբերի 2016 թվականի

թիվ 30

քաղ. Մոսկվա

Ղազախստանի Հանրապետության՝ որպես Առևտրի համաշխարհային կազմակերպությանը միանալու պայման ընդունված պարտավորությունները կատարելու կապակցությամբ՝ Եվրասիական տնտեսական միության անդամ պետությունների միջև ներմուծման մաքսատուրքերի գումարների բաշխման նորմատիվները ճշտելու հետ կապված հարցերի մասին

Հաշվի առնելով «Առևտրի համաշխարհային կազմակերպությանը Ղազախստանի Հանրապետության միանալու հետ կապված որոշ հարցերի մասին» Եվրասիական տնտեսական բարձրագույն խորհրդի 2015 թվականի հոկտեմբերի 16-ի թիվ 22 որոշման 4-րդ կետի 6-րդ պարբերության իրականացման մասին Հայաստանի Հանրապետության դիրքորոշումը՝

1. Եվրասիական տնտեսական միության անդամ պետությունների կառավարություններին՝ Եվրասիական տնտեսական հանձնաժողովի հետ համատեղ երկշաբաթյա ժամկետում մշակել ներմուծման մաքսատուրքերի գումարների բաշխման նորմատիվները ճշտելու տարբերակները՝ ելնելով

Եվրասիական տնտեսական միության միասնական մաքսային սակագնից՝ անդամ պետությունների կողմից կիրառվող առգրավումների հաշվառման նկատմամբ միասնական մոտեցման վերաբերյալ Հայաստանի Հանրապետության առաջարկություններից:

2. Եվրասիական տնտեսական հանձնաժողովին՝ Եվրասիական տնտեսական բարձրագույն խորհրդի նիստին զեկուցել սույն Կարգադրության 1-ին կետի կատարման ընթացքի մասին:

3. Սույն Կարգադրությունն ուժի մեջ է մտնում այն ընդունելու օրվանից:

Եվրասիական տնտեսական հանձնաժողովի խորհրդի անդամներ՝

| Հայաստանի | Բելառուսի | Ղազախստանի | Ղրղզստանի | Ռուսաստանի |
|--------------------|--------------------|--------------------|--------------------|----------------|
| Հանրապետությունից՝ | Հանրապետությունից՝ | Հանրապետությունից՝ | Հանրապետությունից՝ | Դաշնությունից՝ |

Վ. Գաբրիելյան

Վ. Մատյուշենսկի

Ա. Մամին

Օ. Պանկրատով

Ի. Շուվալով